

O'zbek va turkman xalqlari do'stligining yorqin timsollari



O'zbekiston Prezidenti Shavkat Mirziyoyev Turkmaniston Prezidenti Serdar Berdimuhamedov hamrohligida Ashxobodda "Toshkent" bog'ining tantanali ochilish marosimida ishtirok etdi.

Bog' Turkmaniston poytaxtining Maxtumquli shohko'chasida, gavjum maskanda joylashgan. Uch gektar maydonda landshaftli gulzorlar tashkil etilgan, Toshkentning diqqatga sazovor joylari nusxalari barpo etilgan.

Davlat rahbarlari bu yerda yaratilgan sharoitlarni ko'zdan kechirdi. Ezgu niyatlar ifodasi sifatida boqqa daraxtlar ekdi.

O'zbek va turkman milliy kuy-qo'shiqlari ijro etildi. Prezidentlar shu yerda to'yini nishonlayotgan yosh oilaga baxt-saodat tiladi.

Marosimda ikki mamlakat rasmiy delegatsiyalari, Ashxobod jamoatchiligi vakillari, yoshlar qatnashdi.

Ma'lumki, Turkmaniston Prezidentining O'zbekistonga tashrifi chog'ida Toshkentda "Ashxobod" bog'i ochilgan edi. Bu ikki bog' O'zbekiston va Turkmaniston xalqlari o'rtaqidagi uzvii rishtalarning ifodasi bo'ldi.

Shu yerda "Xorazm - Toshovuz" chegaraoldi savdo zonasining qurilishiga bag'ishlangan marosim bo'ldi.

Chegaraoldi savdo zonasasi ikki mamlakatning chegaradosh hududida, "Shovot - Toshovuz" o'tkazish punkti yonida qurilmoqda.

Bugun ushbu maskanni barpo etishni ishlarini davom ettirish va uning faoliyatini tartibga solish bo'yicha bayonnomma ham imzolandi. Hududda savdo rastalari, omborxonalar, konteynerlar uchun maydonchalar va tadbirkorlar uchun ish joylaridan iborat zamonaviy infratuzilma yaratish rejalashtirilgan. Ushbu savdo hududi o'zaro savdoning oshishiga, biznes aloqalarning faollahishiga xizmat qiladi.

Xorazm va Toshovuz viloyati oqsoqollari, mutasaddilar videoaloqa orqali barchani ushbu voqeal bilan

tabriklab, qurilishni boshlashga ruxsat so'radi.

O'zbekiston va Turkmaniston Prezidentlari bu xayrli ishga oq fotiha berdi.

Ikki xalq do'stligi va farovonligiga xizmat qiladigan yana ko'plab qo'shma loyihalar amalga oshirilishiga ishonch bildirildi.





Manba